



Broj: 10/E-11-2540/23

Sarajevo, ~~11-05-2023~~ . godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", broj 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj 23/04), na prijedlog Komisije za nabavku roba, usluga i radova I, imenovana rješenjem Općinskog načelnika broj: 10-45-1694/23 od 23.02.2023. godine (u daljem tekstu: Komisija I), u postupku javne nabavke za izvođenje radova na tekućem održavanju dijela pješačke zone Merhemića trg (Zapisnik o pregledu i ocjeni ponuda broj: 10/E-11-2540/23 od ~~10-05-2023~~), Općinski načelnik donosi

### **ODLUKU O IZBORU NAJPOVOLJNIJEG PONUĐAČA**

- I.** Prihvata se konačna ponuda prvorangiranog ponuđača „**DINALSA**“ d.o.o. Sarajevo, **ulica Huseina Đoze broj 3, 71000 Sarajevo**, broj: **0157/23 od 28.04.2023. godine**, za izvođenje radova na tekućem održavanju dijela pješačke zone Merhemića trg, putem otvorenog postupka, uz primjenu e-aukcije, u ukupnom iznosu nakon provedene e-aukcije od **749.419,80 KM bez PDV-a, odnosno 876.821,17 KM sa PDV-om**.
- II.** Ugovorni organ će sa izabranim ponuđačem zaključiti Okvirni sporazum na period od 1 (jedne) godine, kojim će regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III.** Izabrani ponuđač je dokaze iz tačke 7.1. i 7.1.2. TD (Lična sposobnost), u skladu sa članom 45. Zakona o javnim nabavkama, dužan dostaviti najkasnije u roku od 5 (pet) dana od dana prijema ove Odluke na Protokol Ugovornog organa (originalne ili ovjerene kopije).
- IV.** Ova Odluka se dostavlja svim ponuđačima koji su učestvovali u postupku javne nabavke u roku od sedam dana, shodno članu 70. stav (2) i članu 71. Zakona o javnim nabavkama.
- V.** Odluka će se objaviti na web stranici Općine Centar Sarajevo ([www.centar.ba](http://www.centar.ba)) u skladu sa članom 70. stav (6) Zakona o javnim nabavkama.

### **O b r a z l o ž e n j e**

Postupak za javnu nabavku za izvođenje radova na tekućem održavanju dijela pješačke zone Merhemića trg, pokrenut je Odlukom Općinskog načelnika o pokretanju postupka broj: 10/E-11-2540/23 od 29.03.2023. godine putem otvorenog postupka, uz primjenu e-aukcije.

Postupak javne nabavke nije podijeljen na lotove.

Obavještenje o nabavci broj: 848-1-3-62-3-66/23 objavljeno je dana 05.04.2023. godine na Portalu javnih nabavki, a Ispravka za obavještenje o nabavci broj: 848-1-3-62-8-73/23 od 18.04.2023. godine objavljena je na Portalu javnih nabavki dana 18.04.2023. godine.

Procijenjena vrijednost javne nabavke iznosi **752.600,00 KM bez PDV-a**.

U roku za predaju ponuda koji je određen tenderskom dokumentacijom (03.05.2023. godine do 12:00 sati), na adresu Ugovornog organa dostavljene su dvije (2) ponude i to ponuđača: 1. „MIBRAL“ d.o.o. Sarajevo i 2. „DINALSA“ d.o.o. Sarajevo.

U skladu sa članom 63. Zakona o javnim nabavkama, Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena ponuda, kako sljede:

r/b	Ponuđač	Ukupna cijena ponude (KM) bez PDV-a	Popust	Ukupna cijena ponude (KM) sa popustom i PDV-om
1.	„MIBRAL“ d.o.o. Sarajevo	752.568,10	/	<b>880.504,68</b>
2.	„DINALSA“ d.o.o. Sarajevo	749.419,80	/	<b>876.821,17</b>

Nakon izvršenog javnog otvaranja ponuda, na zatvorenom sastanku Komisija I je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacije ponuđača; ocjene tehničke prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima. Uvidom je Komisija I ustanovila da dostavljene ponude ispunjavaju formalno-pravne, ekonomske i tehničke uslove, odnosno da ispunjavaju zahtjeve Ugovornog organa iz tenderske dokumentacije za predmetnu nabavku.

Nadalje, Komisija I je konstatovala da su ponude prihvatljive u smislu definicije prihvatljive ponude iz Zakona o javnim nabavkama.

Detaljnom računskom provjerom ispravnosti ponuda navedenih ponuđača, Komisija I je utvrdila da su podnesene ponude računski ispravne te da je ispravno obračunata ukupna cijena ponuda sa PDV-om.

Tenderskom dokumentacijom je predviđeno provođenje e-aukcije. Nakon e-aukcije provedene dana 08.05.2023. godine i rezultata Izvještaja o toku i završetku e-aukcije, broj postupka: 848-1-3-62/23 od 08.05.2023. godine, izvršeno je rangiranje ponuda na osnovu kriterija „najniža cijena“, kako sljede:

Rang	Ponuđač	Ukupna cijena ponude (KM) bez PDV-a	Ukupna cijena ponude (KM) sa PDV-om
1.	<b>„DINALSA“ d.o.o. Sarajevo</b>	749.419,80	<b>876.821,17</b>
2.	<b>„MIBRAL“ d.o.o. Sarajevo</b>	752.568,10	<b>880.504,68</b>

Cijeneći sve prethodno navedeno, Komisija I je u daljem radu donijela jednoglasnu odluku da se Općinskom načelniku dostavi

### PREPORUKA O PRIHVATANJU PONUDE

Prvorangiranog ponuđača **„DINALSA“ d.o.o. Sarajevo, ulica Huseina Đoze broj 3, 71000 Sarajevo**, broj: 0157/23 od 28.04.2023. godine, za izvođenje radova na na tekućem održavanju dijela pješačke zone Merhemića trg, putem otvorenog postupka, uz primjenu e-aukcije, sa konačnom cijenom ponude nakon održane e-aukcije u ukupnom iznosu od **749.419,80 KM bez PDV-a, odnosno 876.821,17 KM sa PDV-om**.

Općinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije, te je odlučeno kao u dispozitivu ove Odluke.

## Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke shodno članu 101. Zakona o javnim nabavkama. Naknada za pokretanje žalbenog postupka iznosi 5.000,00 KM u skladu sa članom 108. stav (1) tačka e) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.



Prilog: Zapisnik o pregledu i ocjeni ponuda  
broj: 10/E-11-2540/23 od 10-05-2023 godine

## DOSTAVITI:

1. **Ponuđaču:** „MIBRAL“ d.o.o. Sarajevo,  
ul. Srebrenička broj 1, 71000 Sarajevo
2. **Ponuđaču:** „DINALSA“ d.o.o. Sarajevo,  
ul. Huseina Đoze broj 3, 71000 Sarajevo
3. Službi za stambene i komunalne poslove
4. Kabinetu općinskog načelnika – Odsjek za javne nabavke
5. Službi za finansije
6. Arhivi